

**Incwadi ethunyelwa amalungu e-Bhunga le Overstrand esesikweni**

## UKUVAKALISA NGOKUSHIYWA NGU-CEBAKHULU U-RUDOLPH SMITH



Ukuvakalisa ngokushiywa ngesiqophe ngu-Sodolophu weSigqeba uCebakhulu uRudolph Smith kudale unxunguphalo olukhulu eOverstrand. Uswelake ekuzeni kokusa ngoLwesihlanu umhla we-5 kaJanuwari 2018. URudolph waba nguCeba weDA eOverstrand ngowama-2009, waza emva koko wabekwa njengoCeba kaWadi 8 ngo-2011.

Ngo-2014 wonyulwa njengoSekela-Sodolophu e-Overstrand wasebenza njengoSihlalo kwipotifoliyo yeeNkonzo zoLuntu nakwiKomiti yoLuleko e-Overstrand. Emva kolonyulo loomasisipala ngo-2016, wonyulwa wanguSodolophu weSigqeba kuMasipala waseOverstrand. URudolph Smith wayesisele senyathi, umgcini-masiko nomlando we-Old Age Member Club eHawston noSihlalo weSchool Governing Body eHermanus High School.

Ekupheleni kukaNovemba wonyaka ophelileyo oogqirha bafumanisa ukuba unethumba elingenabungozi ebuchotsheni. Uqhagho olwathi lwenziwa ngenzame zokulicudisa lwaba ngunobangela wokusweleka kwakhe. Wanga umphefumlo wakhe ungaphumla ngoxolo.

**Imiboniso yasesidlangalaleni ngaBacimimlilo echaza ukulungelana kwabo nexesha lokuqhambuka kwemililo**



**ABACIMIMILLO NGEXESHA LOQEQESHO: Emfanekisweni ngumcimimlilo uNeil Cloete (emva) kunye noMaxisole Langatye (phambili) - bayaziqhelanisa.**

Njengokuba ingqatsini yelanga, umoya nesimosezulu esenza imbelela izizinto esekucacile ukuba siza kuphila nazo ukubheka phambili, imililo yamadlelo iza kuqheleka ngakumbi kulo nyaka.

UMkhosi waBacimimlilo ohlala ulindile wenziwa ngamagosa angabacimimlilo aqeshwe isigxina kuyo yonke immimandla kunye negqiza labacimimlilo abangamavolontiya. Iiseshoni zokuqhelanisa zenziwa rhoqo ngabacimimlilo ukuze balungelane nesimo sokuqhambuka komlilo, oku kungqinwa sisaci esithi: Isiziba siviwa ngodondolo. INTloko yabacimimlilo e-Overstrand uLester Smith, ubongoza bonke abahlali kunye neendwendwe ukuba babenenkathalo balumkele iingozi zokuqhambuka komlilo ngawo onke amaxesha.

Ngethuba lombhodamo, nceda uqhagamshelane neCandelo loMlilo, uHlangulo kunye neOfisi yoLawulo lweNtlekele eOverstrand kule nombolo 028 312 2400. Kwakhona, nika ingxelo ngezenzo ezingaqondakaliyo kwisikhululo samapolisa esikufutshane nawe, okanye utsalele iCandelo lokuNyanzeliswa koMthetho kule nombolo 028 313 8996 okanye kule 028 313 8000/8111.

## UKUBHALISELA UBULUNGU KWITHALA LEENCWADI

Unako ukuba lilungu lethala leencwadi ngaphandle kwentlawulo ngokuthi ugcalise ifomu yobulungu.

Kufuneka unikezele ngeSazisi esisemthethweni kunye namaphepha anedilesi yendawo ohlala kuyo njengobungqina (okt. ii-akhawunti ozihlawulayo: amanzi, umbane, iimpahla zevenkile, njl.njl) kunye namagama abantu ababini ubuncinane abanokungqina ubunyani beenkcukacha onikezele ngazo.

Ukuba wenzela umntwana ongaphantsi kweminyaka eli-17 ikhadi, kuza kufuneka incwadi yesicelo sakhe uyityikitye ngokwakho uze neSazisi sakhe kwanaso esakho ngokunjalo.

Ukuba uqeshe indawo yokuhlala ngemvumelwano nomasitandi kufuneka uze nephepha lokuqala kuxwebhu enityikitye kulo esi sivumelwano senu. Eli phepha malikhutshelwe ngokufota (okt. malibe yikopi). Ukuba kukho umntu ohlala anaye, lo mntu kufuneka akwenzele ileta ebububungqina, echaza ukuba ngenene uhlala naye.

## UBUKHAZI-KHAZI BEZIBANE ZEKRISIMESI ZAYENZA YAQAQAMBA I-KLEINMOND

Lo msitho, nowenziwa rhoqo ngonyaka, waye wavulwa ngokusesikweni ngoMvulo umhla we-11 kuDisemba ngongcwala. Njengesiqhelo iitafle zabathengisi zazondlalwe ngokutya okuzintlobo-ntlobo. I- Handevat Marimba Band yathabatha iqonga yatsho ngamaculwana ohlukeneyo eKrisimesi, iingoma zoloyiso kunye namaculo avuselela imixhentso yakudala.

Kwintetho yakhe, uCeba uElnora Gillion, olilungu kwikomiti kasodolophu ejongene noPhuhliso loQoqosho lwaseKhaya, wacela uluntu ukuba ze lulawulwe ngumoya wokwenzelana ubuhle nothando ngeli xesha leeholide. "Njengokuba sibhiyozela ukuzalwa kweNkosi yethu, ndithandazela ukuba ngaphakathi kuni kuvuseleleke uthando nethemba. Uxolo nokwenzelana izinto ezintle phakathi kwenu nabo basenyongweni".

Abahlali neendwendwe bakhuthazwa ngokuphindaphinda ukuba babenombulelo ngobomi babo, babeneenkumbulo ngezinto ezigqithileyo babenethemba lekamva eliqaqambileyo.

"Masingaxakekiswa zizinto ezingenamsebenzi ze ngokwenza njalo silibale ukuba sisebomini, masonwabe", watsho esongezelela kwintetho yakhe.

Le mibhiyozo ifikelele esiphelweni ngokuthi uCeba uFanie Krige enze ilizwi lombulelo kubaquzeleli, koonovenkile nakubahlali ngenkxaso nentsebenziswano yabo.

"Holid eMnandi! Iminqweno emihle kuwe nosapho lwakho ngale Krisimesi," watsho uFanie Krige.



KuMbhiyozo 'Wokuqhakaziswa kweZibane zeKrisimesi eDolophini' ngoMvulo umhla we-11 kaDisemba 2017 kubonakala emfanekisweni aba balandelayo (ukususela kwisandla sasekhohlo): nguMphathi kuMmandla waseOverstrand: ukwiiOfisi zoLawulo eKleinmond - nguDesmond Lakey, uMphathi-theko ngobusuku bangalo mhla noMabhalana oyiNtloko: kwiCandelo leeRekhodi - nguDencil Arendse, uCeba kaWadi 9 - nguGrant Cohen, olilungu kwiKomiti kaSodolophu ejongene noPhuhliso loQoqosho kunye noKhenketho - nguCeba Elnora Gillion, onguMphathi kwiSebe leZokhenketho: nguFrieda Lloyd weCape Whale Coast, nguMphathi kwiSebe leZokhenketho: eHangklip-Kleinmond - nguAnecia Abrahams noFanie Krige onguCeba kaWadi 10.



## ISAZISO ESITSHA NGEQONDO LOKU-I LOKUCUTHELWA IMFUNEKO YAMANZI E-HERMANUS

EkuPheleni kwenyanga kaDisemba ngo-2017 iqondo lamanzi e-De Bos Dam laliyi-56.7% xa kuthelekiswa ne-62.9% ekuPheleni koNovemba ngo-2017, kunye ne-87.9% ekuPheleni koDisemba ngo-2016. UMmandla waseHermanus wawunomthamo oyi-3.2mm wamanzi emvula ngoDisemba ka2017, loo nto yenze ukuba umthamo opheleleyo wamanzi ngo-2017 ufikelele kwi-502.9 mm, xa kuthelekiswa ne-avareji ye-620 mm yemvula enetha amaxesha amade ngonyaka. Umndilili wamanzi athe ayimfuneko ngosuku eHermanus ngoDisemba ka-2017 yayizigidi eziyi-13.0 zeelitha, xa kuthelekiswa nezigidi eziyi-15.98 zeelitha ngosuku ngoDisemba ka-2016. Oko kukuthi zizigidi eziyi-18.6%, okanye izigidi eziyi-92.1 zeelitha zamanzi ezathi zalondolozeka ngoDisemba xa kuthelekiswa nonyaka ophelileyo. Ukuthathwa koxanduva ngabantu baseHermanus ekulondolozeni amanzi nentsebenziswano yabo ekucuthelweni imfuneko yamanzi kuyancomeka kakhulu. I-Buffels River Dam ethumela amanzi eRooi-Elis, ePringle Bay naseBettiesbaai, inomthamo oyi-93%, iKraaibosch Dam eGansbaai inomthamo oyi-91.6%, ze yona iPearly Beach Dam ibenomthamo oyi-85%. Izitsalamanzi ngaphantsi komhlaba ezithumela amanzi eHermanus, eStanford, eBaards-keerdersbos naseBuffeljagsbaai azichatshazelwanga ngokumandla yimbalela kwesi sigaba. UMasipala wase-Overstrand ubeke iliso, kunjalo nje uyalusile le meko kuzo zonke iindawo ezinemithombo yamanzi. Imiqathango eyongezelweyo iya kufakwa xa kukho imfuneko.

### Kufuneka sinciphise noMasipala kuliwe umkhuba wokulahlala inkunkuma kwii-paki nakumabala eendibano zoluntu ngokungekho mthethweni e-Overstrand.

Nceda ufunde ngezantsi apha uluhlu lwamaziko apho kuvumelekileyo ukuba uluntu lungalahlala inkunkuma ngaphandle kwentlwalu. Qaphela, amagcuntswana amatye nezitena eziqhekekileyo zokwakha ezilingana netoni enye ngobunzima (ibhaki egcweleleyo) nengca enokhula, izinto ezinobungozi, umz. amachiza, i-asbestos, izinto ezibukhali njl.njl nazo zingalahlwa kula maziko. Kungenjalo ungahlawulisa ngokulahlala inkunkuma ukuba ubunzima bayo bugqithisile kwaye ixubene ngendlela engafunekayo. Kuvumelekile ukuba amatye nezitena eziqhekekileyo ezinobunzima obungaphezulu kwetoni zingalahlwa kwiNda-wo yenkunkuma eKarwyderskraal. Iindwendwe ezifika ngempelaveki ziyacelwa ukuba zisebenzise amaziko agcina inkunkuma eza kuthathwa ngumasipala xa zilahlala inkunkuma yasendlini. La maziko agcina inkunkuma eza kuthathwa ngumasipala ayavula ngeentsuku zeveki ngala maxesha (08:00 - 18:00) nangoMgqibelo ngala maxesha (09:00 - 16:00)

### Khumbula indawo nexesha onokuthi ulahle ngalo inkunkuma eqhelekileyo:

#### UKUSHIYA | INTSUKU | AMAXESHA

##### ■ eKLEINMOND: eKLEINMOND TRANSFER STATION, MAIN ROAD

|                              |   |                                |
|------------------------------|---|--------------------------------|
| eKleinsmond Transfer Station | ngoMvulo - ngoLwesihlanu<br>ngeempelaveki             | 07:30 - 18:00<br>07:30 - 16:30 |
| eBetty's Bay Drop-off        | & iiholide zikawonkewonke<br>ngoMvulo - ngoLwesihlanu | 08:00 - 16:00                  |

##### ■ eHERMANUS: eHERMANUS TRANSFER STATION, SWARTDAM ROAD

|                            |   |                                |
|----------------------------|---|--------------------------------|
| eHermanus Transfer Station | ngoMvulo - ngoLwesihlanu<br>uMgqibelo     | 08:00 - 18:00<br>09:00 - 16:00 |
| eVoëlklip Drop-off         | iiholide zikawonkewonke<br>ngoMvulo       | 09:00 - 14:00<br>08:00 - 16:00 |
|                            | ngoLwesibini - ngoLwesihlanu<br>uMgqibelo | 08:00 - 18:00<br>09:00 - 16:00 |
|                            | iiholide zikawonkewonke                   | 09:00 - 14:00                  |
| eHawston Drop-off          | ngoMvulo - ngoLwesihlanu<br>uMgqibelo     | 08:00 - 18:00<br>09:00 - 16:00 |
|                            | iiholide zikawonkewonke                   | 09:00 - 14:00                  |

##### ■ eSTANFORD: eSTANFORD DROP-OFF, RIVIER STREET, INDUSTRIAL AREA

|                    |   |                                |
|--------------------|---|--------------------------------|
| eStanford Drop-off | ngoMvulo - ngoLwesihlanu<br>ngoMgqibelo nageeholide zoluntu | 08:00 - 17:00<br>09:00 - 14:00 |
|--------------------|---|--------------------------------|

##### ■ eGANSBAAI: eGANSBAAI LANDFILL, VOORTREKKER STREET

|                        |   |                                |
|------------------------|---|--------------------------------|
| eGansbaai Landfill     | ngoMvulo - ngoLwesihlanu<br>uMgqibelo - holide zikawonkewonke | 08:00 - 18:00<br>08:00 - 16:00 |
| ePearly Beach Drop-off | ngoMvulo - ngoLwesihlanu<br>ngoMgqibelo nageeholide zoluntu   | 08:00 - 17:00<br>09:00 - 14:00 |

Njengenxalenye yokuqhelanisa abahlali nale nkqubo, kwabekwa iikhownteyina ezongezelweyo zokulahlala inkunkuma ngqondile lwenkampani yakwaSkip kwiindawo ezifikelekayo eFranskraal (eRossouw Street), eKleinbaai (ePerlemoen Street), eBlompark (eKampeerweg) naseMasakhane. Oku kwakuza kukhawulelana nabachithi-holide abangenandawo yokulahlala inkunkuma KWIINDAWO ABAHLALA KUZO ngeentsuku namaxesha amiselwe ukwenza njalo.



Ngobusuku bangoLwesihlanu umhla we-9 kuFebruwari IZIKO NGEZOBUC-  
GCISAE-OVERSTRAND (I-OAK) liza kubanekonsathi apho iingcali kwezobug-  
cisa ziza kukhwela eqongeni kumnyhadala oza kubanjelwa kwiOdithoriam  
yoLuntu eHermanus. **UNikolaas Kende** (kwiipiano) **noJolente De Maeyer**  
(kwifidiyoli) abasuka eAntwerp kwilizwe laseBelgium bazibalule ngokuba  
ziintandane zabathandi bomculo ngenxa yezakhono nobuchule babo  
ekudlaleni ezi zikhobo zomculo. Baza kudlala iSonata kaFelix Mendelssohn kwi-F Minor, Op. 4  
ngefidyoli nepiyano; badlale iRomanza kaLodewijk Mortelmans ngefidiyoli nepiyano, badlale  
iSonata kaRobert Schumann kwi-A minor, Op. 162 - 'Grand Duo' ngefidiyoli nepiyano ze bagqibele  
ngokudlala iSonata No. 9 ka-L. van Beethoven kwi-Major, Op. 47 'Kreutzer'. *Le  
konsathi iza kuqala ngo 19:00. Umntu uhlawula i-R140 ngetikiti (umntwana wesikolo  
ama-R60 ngetikiti) ayafumaneka eTourist Office eMitchell Street (inombolo  
yomnxeba ngu-028 312 2629). Ukuze ufumane iinkcukacha ezithe vetshe  
qhagamshelana noRené du Plooy onguNobhala ngale nombolo 082 940 4238.*




## I-CASTLE BEACH IFUNYENWE ILILUNGELE INQANABA LE-BLUE FLAG



**UMasipala waseOverstrand, ngakumbi lowo uLawula kwiiOfisi zaseGansbaai, uziva exabisekile kwaye uyazingca ngokunikwa iwonga leBlue Flag ngolwandle lwase Pearly Beach. Apha emfanekisweni, nguBenjamin Kondokter oliGosa lokuSingqongileyo, ngumPhathi woMmandla: kwiiOfisi zoLawulo eGansbaai - nguFrancois Myburgh, weHorticulturistand nomququzeleli weBlue Flag - nguLauren Rainbird, onguSekela Sodolophu - nguDudley Coetzee neendwendwe ezithile, bazonwabele elwandle ngolu suku.**

Lixa lesibini ulwandle lwaseGrotto, eHawston naseKleinmond efikelela kwinqanaba lokunikwa i-Blue Flag - kodwa ngoku i-Castle Beach nePearly Beach nazo zifikelele kwinqanaba lokunikwa i-Blue Flag okokuqala ezimbini! Ixesha ebe lisikelwe i-Castle Beach kukhangelwa ukuba iyafikelela na kwinqanaba lokunikwa i-Blue Flag liza kuphela ngomhla we-15 kuJanuwari 2018. Akulindelekanga ukuba amalwandle aphantsi kwabahloli anelise yonke imiqathango yokufikelela kwinqanaba lokunikwa i-Blue Flag, okufunekayo kukuba amanzi awo acoceke, kwenziwe izifundo nolwazi ngokusingqongileyo, kumiselwe ulawulo lwamandle neendawo ezigudle unxweme, kuziswe iinkonzo ezifunekayo nokhuseleko kwisithuba esinganano kweminyaka emibini ukuze ngokwenza njalo nawo afikelele kwinqanaba lokunikwa i-Blue Flag. Ekuhambeni konyaka isayithi yeBlue Flag nganye inyanzelekile ukuba yenze iindibano ezifundisa ngokusingqongileyo, nokumisela ulawulo lolondolozo lwendalo olungqingqwa. Ukutshila ngesi sidanga kumiselwe ixesha elithile kwaye eli wonga lingohluthwa ukuba umgangatho wococeko nolondolozo lwendalo elwandle uyehla. Ukufikelela kwinqanaba lokunikwa i-Blue Flag kulwandle lwaseGrotto kuqale ngomhla woku-1 kuDisemba kwaye kuza kuhlala ngolo hlobo de kufike umhla wama-31 kuMatsi 2018. Kwimeko yaseHawston nase-Kleinmond, eli nqanaba lokunikwa i-Blue Flag liza kuhlala de kufike umhla we-15 kuJanuwari 2018. Mayiqatshelwe into yokuba phakathi kwexesha elimiswe i-Blue Flag izilwanyana zasekhaya azivumelekanga kula malwandle, kwaye ukusela nokuphatha utywala akuvumelekanga kwiindawo zeendibano zoluntu, naselwandle ngokunjalo. Kumalwandle akhankanyiweyo iinkonzo zokhuseleko nokuhlangula ubomi ziza kusebenza ngamandla ngeli xesha leeholide zehlobo, kungokunjalo nakumaqela okuqubha, apha sibala elo lise-Hawston (ecaleni kwesayithi yokugxumeka iintete) naseHermanus (eZwelihle).

### ABAHLANGULI BAQEQESHWE NGEMPUMELELO



Inkqubo yohlangulo ngendlela ehlanganisiweyo iqalise ukusebenza eFernkloof Nature Reserve ngoDisemba ukuze kugxilwe ngakumbi kwizakhono zokukhangela nokuxhobisa amaqela ohlangulo ngobugcisa. Ngokutsho kukaAngelo Aplon, iSekela-Ntloko kwiZiko laBacimimilo: Imisebenzi eyenziwayo noQeqesho, oku kukhangela nokuhlangula kwakungeyonyani koko yayilugqesho lokuziqhelanisa okusekelwe kwisheho sangaphambili ekulindelekileyo ukuba singenzeka kwakhona. "Oku kuziqhelanisa yindlela yokuqiniseka ukuba istafu namavolontiya kuwo wonke lo mmandla wase-Overberg kwiinkonzo zokukhangela nokuhlangula bayalazi uxanduva lwabo noko kulindelekileyo kubo ngexesha lentlelekele", wongeza ngelithsho. ABacimimilo eOverstrand, Amagosa okuSingqongileyo, Amagosa oNyanzeliso-Mthetho - aquka amalungu eQela eliKhethekileyo - neeNkonzo zo-Nyango ngethuba lokuXakeka kwiPhondo lwnTshona Koloni neNSRI Station 17 eHermanus bathabatha inxaxheba ngempumelelo kumsebenzi wokuhlangula.

#### **linombolo zomnxeba ngexesha lombhomo/lokuxakeka**

Nayiphi na imeko yokuxakeka kunye/okanye ukufuna uncedo malunga nokutshona emanzini okanye ingozi ingathunyelwa kwi-Ofisi ye24-hour Emergency kaMasipala ngale nombolo 028 312 2400.

Ukuze unike ingxelo ngezikhazazo eziqhelekileyo zonyazeliso-thetho sebenzisa le nombolo 028 313 8996.

Imibuzo gabalala mayithunyelwe kwi-Control Room kaMasipala eOverstrand ngokusebenzisa le nombolo 028 313 8000/8111.

Inombolo yeNSRI ithi: 082 990 5967

Inombolo yeNQWELU YEZIGULANE KUMAZIKO ABUCALA ithi: 076 585 0899

Inombolo yeNQWELU YEZIGULANE EPHONDWENI ithi: 028 312 3219

### ABAHLALI BALISABELE IKHWELU

UMasipala wase-Overstrand ubulela bonke abahlali baseOverstrand ngokusebenzisana naye ngexesha leeholide zehlobo xa wayehlab ukhwelo lokuba bangazisebenzisi izitakantantsi ngexesha lokubhiyozela iiholide zehlobo ngakumbi ngobusuku bokubhiyozela ukungena konyaka omtsha. Izitakantantsi zazivalwe ngokusemthethweni ukuze zingasetyenziswa e-Overstrand ngeli xesha lasehlotyeni njengokuba imbalela yayinokudala ukuqhambuka kwemililo enobungozi. Izenzo ezigwenxa nezothuso ezi-phazamisayo zazibalwa kakhulu. ICandelo lolawulo kwiiNkonzo zoKhuseleko lakhupha ingxelo yokuba imbihiyozo yokungena konyaka omtsha 'yaqhuba kakuhle' labulela abahlali ngetsebenziswano yabo eyaqinisekisa ukuba ukhuseleko lukho kuwawonke lommandla wethu.